

UNSAON NGA MAHIMONG MAALAMON ATUBANGAN SA DIYOS

Busa diin man gikan ang kaalam? ug hain ang dapit sa pagsabut? Ug ngadto sa tawo siya miingon, Tan-awa, ang kahadlok sa Ginoo, kana mao ang kaalam; ug ang pagbiya gikan sa dautan mao ang pagsabut. JOB 28:20, 28



Ang pagkahadlok kang Ginoo maoy sinugdan sa kaalam:
Ang tanan nga nanagbuhat sa iyang mga sugo adunay maayong
salabutan: Ang iyang pagdayeg nagapadayon sa walay katapusan.
PSALM 111:10

Unya nakita ko nga ang kaalam nagalabaw sa kabuang, maingon
nga ang kahayag nagalabaw sa kangitngit. ECCLESIASTES 2:13

Ang kaalam makapalig-on sa manggialamon labaw pa kay sa
napulo ka gamhanang tawo nga anaa sa ciudad.
ECCLESIASTES 7:19

Kon aduna kaninyoy nakulangan ug kaalam, papangayoa siya
sa Dios, nga nagahatag sa tanang mga tawo sa madagayaon
gayud, ug sa walay pagpamoyboy; ug kini igahatag kaniya.
Apan papangayoa siya nga may pagtoo, sa walay pagduhaduha.
Kay siya nga nagduhaduha sama sa usa ka balud sa dagat nga
ginapadpad sa hangin ug ginakusokuso. Kay ayaw itugot nga
kanang tawhana maghunahuna nga siya makadawat ug bisan
unsa gikan sa Ginoo. Ang tawo nga duhay hunahuna mabalhinon
sa tanan niyang mga dalan. JAMES 1:5-8

Sin-o bala ang maalam nga tawo kag may ihibalo sa tunga ninyo?
ipapahayag niya gikan sa maayong pamatasan ang iyang mga
buhat uban ang kaaghup sa kaalam. Apan ang kaalam nga gikan
sa kahitas-an, una sa tanan putli, unya makigdaiton, malumo, ug
dali dasigon, puno sa kalooy ug mga maayong bunga, walay
pagpihigpihig, ug walay pagkasalingkapaw. JAMES 3:13, 17

Ang pagkahadlok kang Ginoo maoy sinugdan sa kahibalo; Apan
ang mga buangbuang nagatamay sa kaalam ug pahamangno.
PROVERBS 1:7

Malipayon ang tawo nga nakakaplag ug kaalam, ug ang tawo nga
nakabaton ug salabutan. PROVERBS 3:13

Anak ko, kong dawaton mo ang akong mga pulong, ug tagoan ang akong mga sugo uban kanimo; Aron nga ikiling mo ang imong igdulungog ngadto sa kaalam, ug ibutang mo ang imong kasingkasing sa pagsabut; Oo, kong ikaw mosangpit sa kahibalo, ug magpatugbaw sa imong tingog alang sa pagsabut; Kong ikaw mangita kaniya ingon sa salapi, Ug magapangita kaniya ingon sa usa ka tinago nga mga bahandi; Unya ikaw makasabut sa kahadlok sa Ginoo, ug makakaplag sa kahibalo sa Dios. Kay ang Ginoo nagahatag ug kaalam: Gikan sa iyang baba magagula ang kahibalo ug pagsabut. Siya nagatipig ug maayong kaalam alang sa mga matarung: Siya maoy usa ka taming kanila nga nagalakat sa matul-id. Siya nagabantay sa mga alagianan sa justicia, Ug nagabantay sa dalan sa iyang mga balaan. Unya ikaw makasabut sa pagkamatarung, ug sa justicia, ug sa pagkatul-id; oo, matag maayong dalan. PROVERBS 2:1-9

Batoni ang kaalam, batoni ang pagsabut: ayaw kini hikalimti; ni motipas gikan sa mga pulong sa akong baba. Ayaw siya pagbiyai, ug siya magapanalipod kanimo: Higugmaa siya, ug siya magabantay kanimo. Ang kaalam mao ang pangunang butang; busa batoni ang kaalam: ug uban sa tanan nimo nga pagbaton batoni ang pagsabut. Ipahitaas siya, ug siya magapauswag kanimo: Siya magadala kanimo ngadto sa kadunggan, sa diha nga ikaw mogakus kaniya. Ihatag niya sa imong ulo ang usa ka purongpurong sa gracia: Usa ka purongpurong sa himaya igahatag niya kanimo. PROVERBS 4:5-9

Ang pagkahadlok sa Ginoo mao ang sinugdan sa kaalam; Ug ang kahibalo sa Balaan mao ang salabutan. PROVERBS 9:10

Maoy usa ka kalingawan sa usa ka buang ang pagbuhat ug kadautan; Apan ang usa ka tawo nga may salabutan adunay kaalam. Ang baba sa matarung madala ug kaalam; Apan ang masukihon nga dila pagaputlon. PROVERBS 10:23, 31

Sa diha nga moabut ang pagkamapahitas-on, unya moabut usab ang kaulaw; Apan sa mga mapaubsanon anaa ang kaalam. Kadtong walay kaalam nagatamay sa iyang isigkatawo; Apan ang tawo nga may salabutan nagahilum. PROVERBS 11:2, 12

Ang usa ka tawo pagadayegon sumala sa iyang kaalam; Apan kadtong masukihon nga kasingkasing pagatamayon. PROVERBS 12:8

Ang pagkamapahitas-on modangat lamang sa panagbingkil; Apan uban sa maayong pagkatambag anaa ang kaalam. PROVERBS 13:10

Ang kabuang maoy kalipay niadtong walay kaalam; Apan ang tawo nga masinabuton nagalakaw sa matul-id. Ang pagkahadlok kang Jehova maoy pagtudlo sa kaalam; ug una sa dungog mao ang pagpaubos. PROVERBS 15:21, 33

Labi pang maayo ang pagbaton ug kaalam kay sa bulawan! ug ang pagbaton ug salabutan labi pang pilion kay sa salapi! PROVERBS 16:16

Kadtong nagabaton ug kaalam nahagugma sa iyang kaugalingong kalag: Kadtong nagabantay sa salabutan makakaplag ug maayo. PROVERBS 19:8

Palita ang kamatuoran, ug ayaw kini ibaligya; usab ang kaalam, ug pahamatngon, ug salabutan. PROVERBS 23:23

Bisan kinsa nga nahagugma sa kaalam nagalipay sa iyang amahan; Apan kadtong nakigkauban sa mga bigaon nagausik sa iyang bahandi. PROVERBS 29:3

Ang bunal ug ang pagbadlong nagahatag ug kaalam; Apan ang usa ka bata nga pasagdan sa iyang kaugalingon nagapakaulaw sa iyang inahan. PROVERBS 29:15